



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-556-6/23**
Datum: **01.04.2024. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „EURO COP INVEST“ d.o.o. Bosanska Krupa, za izdavanje vodne dozvole za ispuštanje oborinskih onečišćenih voda sa lokacije objekta benzinske stanice sa pratećim sadržajima, izgrađenog u naselju Bosanska Otoka, grad Bosanska Krupa, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „EURO COP INVEST“ d.o.o. Bosanska Krupa, za ispuštanje oborinskih onečišćenih voda sa lokacije objekta benzinske stanice sa pratećim sadržajima, izgrađenog u naselju Bosanska Otoka, na zemljištu označenom kao k.č. broj: 293/3 (novi premjer), odnosno k.č. br. 12/317-3 (stari premjer) K.O. Otoka 1, grad Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske stanice sa pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja korisnik, „EURO COP INVEST“ d.o.o. Bosanska Krupa, izradi i reviduje projekt vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta benzinske stanice sa pratećim sadržajima te realizuje radove predviđene izrađenom projektnom dokumentacijom. Projektna dokumentacija treba biti urađena na nivou glavnog projekta od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12). Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:
 - Situacioni prikaz svih hidrotehničkih objekata na predmetnoj lokaciji, urađen preko katastarske podloge sa prethodno urađenim geodetskim snimkom terena. Uraditi snimak izvedenih instalacija i internih pretakališnih i saobraćajnih površina, radnog prostora autopraonice (ako se ista planira koristiti, za objekt autopraonice za koji su pribavljeni akti o građenju). Dati prikaz i položaj spremnika za gorivo, objekta autopraonice, i slično;
 - Situacioni prikaz treba da sadrži jasno naznačenu liniju vodnog dobra, odnosno liniju velikih voda ranga pojave 1/100 godina, odnosno proračun velikih voda rijeke Une (podaci o velikim vodama rijeke Une na predmetnoj lokaciji se mogu dobiti od AVP Sava);
 - Hidraulički proračun količina potencijalno zauzjenih oborinskih voda koje nastaju na lokalitetu benzinske stanice i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje (urađeni

separator ulja i masti). Jasno definirati rad autopraonice (autopraonica za koju je podnosilac zahtjeva pribavio upotrebnu dozvolu se nalazi u prizemlju stambeno-poslovnog objekta izgrađenog na kraju parcele u pravcu Bužima, i ne koristi se). Podnosilac zahtjeva koristi boks za pranje vozila izgrađen na otvorenom prostoru na krajnjem dijelu parcele u pravcu Krupe, te na toj lokaciji planira izgraditi objekt samouslužne autopraonice). Ako se ista planira koristiti ili graditi novi objekt samouslužne autopraonice, u proračun uključiti i tehnološke otpadne vode koje mogu nastati na radnim i manipulativnim površinama istih;

- Predvidjeti ugradnju separatora ulja i masti u skladu sa sa koalescentnim filterom i automatskim zatvaračem, Dati rješenje konačnog disponiranja prečišćenih voda i naznačiti mjesto vršenja monitoringa prečišćenih voda (okno za uzimanje uzoraka);
- Definirati izradu monitoring okna za uzorkovanje prečišćenih voda, prije ispusta u recipijent, u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24);
- Dati prikaz i opis spremnika za gorivo (materijalizaciju, hidroizolaciju, sistem automatske dojava o procurenju međuplašnog prostora, nacрте spremnika, i slično);
- Jasno naznačiti postojeće stanje i projektom predviđene intervencije;
- U projektu je potrebno definirati položaj objekta u odnosu na vodno dobro i plavno područje rijeke Une, koja protiče sa suprotne strane magistralne ceste, zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja.
- Ukoliko se nakon izvršenog hidrauličkog proračuna za onečišćene oborinske vode sa prostora internih saobraćajnih i pretakališnih površina, odnosno za tehnološke otpadne vode sa radnog prostora autopraonice, traženo tačkom 3.2. ovog rješenja, ustanovi da kvalitet onečišćenih oborinskih voda ne zadovoljava uvjete propisane Uredbom o ispuštanju otpadnih voda u okoliš i sisteme javne kanalizacije, onda je potrebno, u skladu sa izmjenom člana 26. stav (3) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 1/24), uraditi detaljan dinamički plan koji sadrži spisak aktivnosti i mjera sa finansijskom procjenom za ulaganja (za svaku narednu godinu razrađeno po godinama) i smanjenje emisija sa predviđenim završetkom aktivnosti do roka iz stava (1) istoga člana, a u cilju zadovoljavanja uslova za ispuštanja tehnoloških otpadnih voda u skladu s Uredbom;
- Projektom može biti obrađen i sadržaj samouslužne autopraonice, a kojeg vlasnik objekta planira izvesti na predmetnoj lokaciji. Za objekt samouslužne autopraonice je potrebno pribaviti akte o građenju, a za aktivnost ispuštanja tehnoloških otpadnih voda sa prostora istog, potrebno je pribaviti i odgovarajuće vodne akte.

- 3.3. Izvršiti ispitivanje izvedenih vanjskih hidroinstalacija na vodonepropusnost i priložiti zapisnik o ispitivanju.
- 3.4. Skladištenje nafte i naftnih derivata vršiti u podzemnom dvoplašnom rezervoaru, sa primjenom sistema automatske dojava o procurenju međuplašnog prostora, ukupnog kapaciteta 2x100 m³.
- 3.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman otpadnih voda (separator ulja i masti), a zatim tretirane vode ispuštaju u recipijent – cestovni kanal.

- 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.11. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Da u roku važenja ovog rješenja, korisnik predmetnog objekta pribavi odobrenje operatora javnog gradskog kanalizacionog sistema, ukoliko se ispuštanje otpadnih voda vrši u isti, a kako je to navedeno u priloženom izvještaju o monitoringu otpadnih voda.
- 3.14. Talog iz separatora kao ni ostali opasni materijal i otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „EURO COP INVEST“ d.o.o. Bosanska Krupa je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 1 (jedne) godine, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „EURO COP INVEST“ d.o.o. Bosanska Krupa, obratilo se ovoj Agenciji dana 7.12.2023. godine zahtjevom, broj: 404/23, za izdavanje vodne dozvole za ispuštanje oborinskih onečišćenih voda sa lokacije objekta benzinske stanice sa pratećim sadržajima, izgrađenog u naselju Bosanska Otoka, općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana dokumentacija:

- Ovjerena kopija lične karte osobe ovlaštene za zastupanje podnosioca zahtjeva,
- Aktuelni izvod iz sudskog registra, Matični broj subjekta upisa; 17-01-0033-20; izdan od strane Općinskog suda u Bihaću, dana 03.10.2023. godine (ovjerena kopija),
- Potvrda o dodijeljenom identifikacionom broju; izdana od strane Federalnog ministarstva financija – finansija, Porezne uprave Federacije Bosne i Hercegovine – Kantonalni porezni ured Bihać (ovjerena kopija),
- Obavijest o početku rada djelatnosti iz oblasti trgovine; upućena Službi za obrt, poljoprivredu i poduzetništvo općine Bosanska Krupa (kopija),
- Rješenje, kojim se odobrava Ibrahimović (Salih) Enveru iz Bosanske Otoke, ulica Otočkih branilaca da kao investitor može da otpočne sa izvođenjem radova na izgradnji benzinske pumpe, auto praoe i poslovnih objekata na zemljištu označenom kao k.č. br. 11/317-3 po starom premjeru i 293/3 po novom premjeru, K.O. Otoka I; izdano od strane Službe za urbanizam i građenje Općine Bosanska Krupa pod brojem 04-351-13/96, dana 20.03.1997. godine (kopija),
- Rješenje o vodnoj dozvoli, kojim se daje vodna dozvola pravnom licu „EURO COP INVEST“ d.o.o. Bosanska Krupa, za ispuštanje onečišćenih oborinskih voda sa lokacije objekta benzinske stanice sa autopraonicom i pratećim sadržajima, izgrađenog u naselju Bosanska Otoka, na zemljištu označenom kao k.č. broj: 293/3 (novi premjer), odnosno k.č. br. 12/317-3 (stari premjer) K.O. Otoka 1, općina Bosanska Krupa; izdano od strane Agencije za vodno područje rijeke Save Sarajevo pod brojem UP-1/21-3-40-190-13/22, dana 01.09.2022. godine (kopija),
- Godišnji izvještaj monitoringa i ispitivanja otpadne vode za EURO-COP INVEST d.o.o. Bosanska Krupa; urađen od strane Poduzeća za kontrolu kvalitete i količine robe Herkon d.o.o. Mostar pod brojem: GI-OV-02-149/22, dana 2.12.2022. godine, u Mostaru,
- Nalog za plaćanje upravne pristojbe (ovjerena kopija),
- Izvještaj o monitoringu kvaliteta i kvantiteta otpadnih voda benzinske pumpe IBRAHIMOVIĆ Bosanska Otoka, BP 1; urađen od strane Ispitne laboratorije Inspekt RGH d.o.o. Sarajevo, dana 11.03.2020. godine pod brojem 215/20 (kopija),
- Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem: UP-1/21-3-40-556-3/23, dana 26.1.2024. godine te ovjerena kopija naloga za prenos sredstava,
- Popratni akt o dopuni podneska zahtjeva, broj: 17/2024 od 01.02.2024. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske stanice sa pratećim sadržajima „EURO COP INVEST“ d.o.o. Bosanska Krupa, u naselju Bosanska Otoka, grad Bosanska Krupa, i tom prilikom sačinjen zapisnik o uviđaju broj: UP-1/21-3-40-556-4/23, dana 10.1.2024. godine.

Poslovni objekt benzinske stanice sa pratećim sadržajima „EURO COP INVEST“ d.o.o. Bosanska Krupa, je izgrađen sa lijeve strane magistralne ceste Bosanska Otoka – Bužim – Velika Kladuša, u ulici Otočkih heroja u Bosanskoj Otoci.

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorem, upravnim prostorijama, podzemnih čeličnih dvoplašnih spremika za gorivo te manipulativnog asfaltiranog prostora i zelenila. Objekt se nalazi na ravnom terenu, sa internim saobraćajnim i pretakališnim površinama na čijem su ulazu i izlazu sa platoa na magistralnu cestu ugrađeni ulični slivnici, a na razdjelnici pretakališnih od manipulativnih površina su ugrađene linijske slivne rešetke.

Sanitarne otpadne vode iz objekta upravne zgrade su kanizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do cestovnog kolektora. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju ispod trupa ceste u otvoreni kanal. Manipulativni prostor za tankovanje i pretakanje je betoniran.


Naprijed navedeno je konstatirano u razgovoru sa korisnikom predmetnog objekta pri uviđaju na lokaciji, a tačno stanje treba da se potvrdi projektom izvedenog stanja, zahtjevanog tačkom 3.2 rješenja. Priložen je izvještaj o mjerenju kvaliteta otpadnih tehnoloških voda, urađen decembra 2022. godine, koji pokazuje da su parametri u okviru dozvoljenih vrijednosti propisanih Uredbom. U prethodnom postupku je utvrđeno da je vlasnik predmetnog objekta pribavio odobrenje za građenje i upotrebu za objekt autopraonice, lociran na rubu predmetne parcele u pravcu Bužima. Međutim, na suprotnoj strani predmetne parcele je bespravno izgradio prostor za pranje auta. Na tom mjestu vlasnik predmetne parcele planira izgraditi objekt samouslužne autopraonice te mu je istim uvjetovana izrada projektne dokumentacije izvedenog stanja sa prikazom sistema za prijem, tretman i ispuštanje otpadnih voda. Uvjetovana projektna dokumentacija nije urađena. Akti o građenju, okolinska dozvola i prijašnji vodni akti su izdani na prethodne vlasnike, odnosno korisnike. Podnosilac zahtjeva je priložio zemljišnoknjižni uložak kao dokaz vlasništva na predmetnoj nekretnosti. Od strane AVP Sava je dobijena potvrda da je korisnik predmetnog objekta izmirio obaveze po osnovu plaćanja vodnih naknada. Također je na utvrđeno da je investitor pribavio odobrenje za upotrebu za nadogradnju objekta autopraonice stambenim sadržajem, odobrenje za dogradnju prizemlja i nadogradnju sprata predmetnog poslovnog objekta, da su ispunjeni uvjeti tehničke opremljenosti, zaštite na radu i unapređenja čovjekove okoline kao i drugi propisani uvjeti za rad benzinske stanice u Bosanskoj Otoci. Rješenje za upotrebu predmetnog objekta prema priloženom odobrenju za građenje iz 1997. godine. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07). Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka konstatuje se da je podnosilac zahtjeva, „EURO COP INVEST“ d.o.o. Bosanska Krupa, ispunio minimum uslova za izdavanje vodne dozvole te je riješeno kao u dispozitivu ovog rješenja. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

za Po ovlaštenju
Rukovodilac sektora za
izdavanje vodnih akata


Haris Ališehović, dipl. inž. građ.

Dostaviti:

- „EURO COP INVEST“ d.o.o. Bosanska Krupa, Ljusina bb, 77 244 Otoka,
- AVP Sava, ISV – Vodna knjiga
- Federalna uprava za inspeksijske poslove – Federalni vodni inspektorat, Fehima ef. Čurčića 6., 71 000 Sarajevo,
- Sektor 50
- ⊗ Sektor 40, arhiva
- Oglasna ploča AVP Sava